



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e - mail: info@voda.ba

Broj: **UP-1/21-3-40-601-4/22**
Datum: **12.01.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica, «BENPROM» d.o.o. Gračanica za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta pogona za preradu drveta sa radionicom za servisiranje i održavanje vozila u naselju Donja Orahovica, grad Gračanica, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «BENPROM» d.o.o. Gračanica daje se vodna dozvola za ispuštanje tehnoloških otpadnih voda u prirodni recipijent sa lokaliteta pogona za preradu drveta sa radionicom za servisiranje i održavanje vozila izgrađenog u naselju Donja Orahovica na zemljištu označenom kao k.č. broj: 4303, 4303/1, 4303/2, 4303/4 i 4305/5 K.O. Orahovica Donja, grad Gračanica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se tehnološke otpadne vode nastale na radno manipulativnim površinama namijenjenim za servisiranje i održavanje vozila, zajedno sa oborinskim onečišćenim vodama sa uređenog platoa i manipulativnog prostora u krugu pogona, nesmetano prikupljaju sistemom slivnika i kanalizacione mreže te odvođe na tretman u trokomorni separator ulja i masti sa krajnjim ispustom u obližnji potok a potom u rijeku Spreču.
 - 2.3. Prečišćene otpadne vode moraju ostati u maksimalno dopuštenim granicama definisanim članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje prikupljenih otpadnih voda (separator ulja i masti, slivne rešetke, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje separatora može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora.
 - 2.5. Da se prikupljanje i privremeno skladištenje piljevine i otpadaka od drveta iz procesa prerade vrši na način da se onemogući njegovo rasipanje po okolnom terenu.
 - 2.6. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa čvrstim opasnim i neopasnim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 2.7. Piljevina, drveni otpad, talog iz separatora kao i ostali otpad koji nastaje na predmetnom lokalitetu ne smije odlagati na česticu «vodno dobro», odnosno u vodotok i na njegove obale.
 - 2.8. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 - 2.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka effluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- 2.10. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 25. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «BENPROM» d.o.o. Gračanica svojim zahtjevom zaprimljenim 01.11.2022. godine, zatražilo je od ove Agencije izdavanje vodne dozvole za ispuštanje otpadnih voda u prirodni recipijent sa lokaliteta pogona za preradu drveta sa radionicom za servisiranje i održavanje vozila izgrađenog u naselju Donja Orahovica na zemljištu označenom kao k.č. broj: 4303, 4303/1, 4303/2, 4303/4 i 4305/5 K.O. Orahovica Donja, grad Gračanica.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 032-0-Reg-20-000520 izdatog dana 06.05.2020. godine od strane Općinskog suda u Tuzli,
- Ovjerena kopija Uvjerjenja o poreznoj registraciji izdatog dana 15.06.2015. godine od strane Porezne uprave Federacije BiH – Kantonalni porezni ured Tuzla,
- Ovjerena kopija Rješenja o odobrenju obavljanja djelatnosti rezanja drveta broj: 04/1-18-19005/05 izdatog dana 06.09.2005. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o upotrebnoj dozvoli broj: 07-361-162/99 za objekat izgrađen na parceli k.č. broj: 4303 K.O. Orahovica Donja izdatog dana 11.05.1999. godine od strane Sekretarijata za prostorno uređenje i stambeno-komunalne poslove Općina Gračanica,
- Kopija Rješenja o upotrebnoj dozvoli broj: 08-23-02-1110/2000 za objekat nadstrešnice sa brentom izgrađen na parceli k.č. broj: 4303 K.O. Orahovica Donja izdatog dana 30.05.2000. godine od strane Službe za prostorno uređenje i stambeno-komunalne poslove Općina Gračanica,
- Kopija Rješenja o upotrebnoj dozvoli broj: 06-23-002339-2002-RM za objekat izgrađen na parcelama k.č. broj: 4303/1 i 4303/2 K.O. Orahovica Donja izdatog dana 22.10.2002. godine od strane Službe za prostorno uređenje, stambeno-komunalne, geodetske i imovinsko pravne poslove Općina Gračanica,

- Kopija Rješenja o upotrebnoj dozvoli broj: 06-23-3998/03 za objekat proizvodne hale izgrađen na parceli k.č. broj: 4303/1 K.O. Orahovica Donja izdatog dana 05.12.2003. godine od strane Službe za prostorno uređenje, stambeno-komunalne, geodetske i imovinsko pravne poslove Općina Gračanica,
- Kopija Rješenja o upotrebnoj dozvoli broj: 06-23-4154-2006 za objekat skladišta gotovih proizvoda izgrađen na parceli k.č. broj: 4303/1, 4303/2 i 4303/4 K.O. Orahovica Donja izdatog dana 09.03.2007. godine od strane Službe za prostorno uređenje, geodetske i imovinsko pravne poslove Općina Gračanica,
- Kopija Rješenja o upotrebnoj dozvoli broj: 06-23-1683-2008 za objekat radionice za održavanje vozila na parceli k.č. broj: 4303/5 K.O. Orahovica Donja izdatog dana 12.08.2008. godine od strane Službe za prostorno uređenje, geodetske i imovinsko pravne poslove Općina Gračanica,
- Kopija Rješenja o upotrebnoj dozvoli broj: 06-19-02841-2020 za objekat transformatorske stanice na parceli k.č. broj: 4303/5 K.O. Orahovica Donja izdatog dana 17.12.2020. godine od strane Službe za prostorno uređenje, geodetske i imovinsko pravne poslove Grad Gračanica,
- Kopija Rješenja o upotrebnoj dozvoli broj: 06-23-00193-2021 za objekat nadstrešnice otvorenog tipa na parceli k.č. broj: 4303/2 K.O. Orahovica Donja izdatog dana 14.07.2021. godine od strane Službe za prostorno uređenje, geodetske i imovinsko pravne poslove Grad Gračanica,
- Kopija Rješenja o upotrebnoj dozvoli broj: 06-23-01079-2017 za dograđeni objekat na parceli k.č. broj: 4303/4 K.O. Orahovica Donja izdatog dana 01.02.2018. godine od strane Službe za prostorno uređenje, geodetske i imovinsko pravne poslove Općina Gračanica,
- Kopija Rješenja o vodnoj dozvoli broj: UP-I/25-3-40-566-4/17 izdatog dana 30.07.2017. godine od strane «Agencije za vodno područje rijeke Save» Sarajevo,
- Kopija Rješenja o okolinskoj dozvoli broj: 12/01-1-23-030675/18 izdatog dana 18.12.2018. godine od strane Ministarstva prostornog uređenja i zaštite okolice Tuzlanskog kantona,
- Kopija Rješenja o vodnoj dozvoli broj: 04/1-13-21-1111/21 izdatog dana 04.03.2021. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Izvještaja o monitoringu kvaliteta i kvantiteta otpadnih voda broj: 7-070/22, februar 2022. godine za «BENPROM» d.o.o. Gračanica urađen od strane «TQM» d.o.o. Lukavac,
- Kopija Ugovora broj: 185-01/22 o čišćenju separatora i zbrinjavanju opasnog otpada zaključenog sa «KEMEKO-BH» d.o.o. Lukavac, maj 2022. godine,
- Glavni projekat objekat radionice za održavanje vozila broj: 107-N/07 urađen od strane «ENGRAD» d.o.o. Gračanica, novembar 2007. godine (na uvid),
- Glavni projekat izvedenog stanja poslovnog kompleksa «BENPROM» d.o.o. Gračanica urađen od strane Biroa za projektovanje i nadzor «MB» Brijesnica Mala, juli 2002. godine (na uvid),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-566-4/17 od 30.10.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 09.11.2022. godine konstatovano je da podnosilac zahtjeva «BENPROM» d.o.o. Gračanica redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog pogona dana 10.01.2023. godine i tom prilikom je sačinjen Zapisnik o uviđaju broj: UP-1/21-3-40-601-3/22.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni pogon za preradu drveta je izgrađen u naselju Donja Orahovica, grad Gračanica pored magistralnog puta M4 Doboje-Tuzla. U krugu pogona locirani su sljedeći objekti: upravna zgrada, pogon za primarnu i finalnu preradu drveta, nadstrešnica za brentu, skladište oblovene i gotovih proizvoda, silosi za piljevinu, sušara sa kotlovnicom, radionica za servisiranje i održavanje vozila i viljuškara. Prosječni kapacitet proizvodnje iznosi oko 11.000m³ oblovene/god.
- Za predmetni pogon je od strane Agencije dana 30.10.2017. godine doneseno Rješenje o vodnoj dozvoli broj: UP-I/25-3-40-566-4/17 sa određenim uslovima koji su u potpunosti ispoštovani a od strane Ministarstva prostornog uređenja i zaštite okolice Tuzlanskog kantona dana 18.12.2018. godine doneseno je Rješenje o okolinskoj dozvoli broj: 12/01-1-23-030675/18.

- Za snabdijevanje vodom i ispuštanje sanitarno-fekalnih otpadnih voda podnosilac zahtjeva posjeduje Rješenje o vodnoj dozvoli broj: 04/1-13-21-1111/21 izdato dana 04.03.2021. godine od strane Ministarstva poljoprivrede, šumarstva i vodoprivrede Tuzlanskog kantona.
- Piljevina nastala u postupku prerade drveta prikuplja se zatvorenim sistemom odsisa i odvodi u silose. Otpad od drveta i piljevina se koriste za kao energenti za potrebe vlastite kotlovnice.
- Tehnološke otpadne vode nastale na platou namijenjenom za servisiranje i održavanje vozila i viljuškara se zajedno sa onečišćenim oborinskim vodama sa preostalog dijela platoa kompleksa prikupljaju sistemom slivnih rešetki i kanalizacione mreže te odvede na tretman u trokomorni separator ulja i masti. Preliv iz separatora je preko okna za monitoring u kanal za evakuaciju oborinskih voda a potom u obližnji potok koji se ulijeva u rijeku Spreču.
- Čišćenje odnosno pražnjenje separatora ulja i masti se vrši redovno od strane «KEMEKO-BH» d.o.o. Lukavac prema Ugovoru.
- Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta otpadnih voda za «BENPROM» d.o.o. Gračanica, februar 2022. godine urađen od strane «TQM» d.o.o. Lukavac. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva, «BENPROM» d.o.o. Gračanica ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta pogona za preradu drveta sa radionicom za servisiranje i održavanje vozila izgrađenog u naselju Donja Orahovica, grad Gračanica, te je riješeno kao u dispozitivu ovog Rješenja. Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-601-2/22 od 15.11.2022.godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju:

Rukovodilac sektora za izdavanje vodnih akata



Hariš Anšehović
Hariš Anšehović, dipl.ing.građ.

Dostaviti:

- «BENPROM» d.o.o. Gračanica
Donja Orahovica bb, 75320 Gračanica
- AVP Sava, ISV-vodna knjiga
- Sektor 50
- Sektor 40 – arhiva
- oglasna ploča – AVP Sava